

Ո Ր Ո Շ ՈՒ Մ N 1291/1
/վարչական տույժ նշանակելու մասին/

«17» դեկտեմբերի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Ինթերնեյշնլ սփլայ գրուպ» ՍՊ ընկերության (ՀՎՀՀ՝ 04428061, հասցեն՝ Արմավիրի մարզ, գ. Մերձավան, Երկրագործների թղմ. 3-րդ փող. թիվ 2) տնօրեն Նիքոլա Էլ Թաուիլին (անձ.՝ LR0113082) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Ինթերնեյշնլ սփլայ գրուպ» ՍՊ ընկերության անվամբ թիվ 05100010/171018/0062085 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով՝ մինչև 17.10.2020 թվականը, Հայաստանի Հանրապետություն է ներմուծվել ապրանքներ: Նշված բեռը սահմանված ժամկետում չի արտահանվել կամ ձևակերպվել այլ մաքսային ընթացակարգով, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արարատյան մաքսատուն-վարչության ԳՀՀ բաժնի ավագ մաքսային տեսուչի կողմից 18.11.2020 թվականին «Ինթերնեյշնլ սփլայ գրուպ» ՍՊ ընկերության տնօրեն Նիքոլա Էլ Թաուիլի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով: Մաքսային կանոնների խախտման վերաբերյալ գործի քննությունը նշանակվել է 17.12.2020 թվականին ժամը 16:00-ին, ինչի անցկացման վայրի և ժամանակի մասին ծանուցումն առաքվել է ընկերության և ընկերության տնօրենի հասցեներով: Ղեկավարվելով ՀՀ մաքսային օրենսգրքի 219-րդ հոդվածի 2-րդ մասի հատկանիշներով՝ գործի քննությունն իրականացվել է «Ինթերնեյշնլ սփլայ գրուպ» ՍՊ ընկերության տնօրեն Նիքոլա Էլ Թաուիլի բացակայությամբ:

ԵԱՏՄ մաքսային օրենսգրքի 219-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան այդ ապրանքները ժամանակավոր գտնվում և օգտագործվում են Միության մաքսային տարածքում, պահպանելով ապրանքներն այդ մաքսային ընթացակարգով ձևակերպելու և այդ մաքսային ընթացակարգին համապատասխան դրանք օգտագործելու պայմանները՝ ներմուծման մաքսատուրքերի, հարկերի մասնակի վճարմամբ և առանց հատուկ, հակազնազգման, փոխհատուցման տուրքերի վճարման կամ առանց ներմուծման մաքսատուրքերի, հարկերի վճարման և առանց հատուկ, հակազնազգման, փոխհատուցման տուրքերի վճարման:

ԵԱՏՄ մաքսային օրենսգրքի 220-րդ հոդվածի 2-րդ մասի 1-ին կետի համաձայն՝ ապրանքների՝ «Ժամանակավոր ներմուծում (թույլտվություն)» մաքսային ընթացակարգին համապատասխան օգտագործման պայմաններից է «Ժամանակավոր ներմուծում (թույլտվություն)» մաքսային ընթացակարգի՝ մաքսային մարմնի կողմից սահմանված գործողության ժամկետի պահպանումը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Ինթերնեյշնլ սփլայ գրուպ» ՍՊ ընկերության անվամբ թիվ 05100010/171018/0062085 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով հայտարարագրված ապրանքները, համաձայն ԵԱՏՄ մաքսային օրենսգրքի 226-րդ հոդվածի 1-ին կետի, խախտման օրվա՝ 19.10.2020թ. դրությամբ «Ներքին սպառման համար բացթողում» մաքսային ընթացակարգով հայտարարագրման դեպքում կառաջանային մաքսային վճարներ՝ ընդհանուր 8,998,846 ՀՀ դրամի չափով (մաքսատուրքի գումար՝ 1,730,547 ՀՀ դրամ և ԱԱՀ-ի գումար՝ 7,268,299 ՀՀ դրամ):

Այսպիսով, վարույթի նյութերով հիմնավորվում է, որ «Ինթերնեյշնլ սփլայ գրուպ» ՍՊ ընկերության տնօրեն Նիքոլա Էլ Թաուիլին սահմանված ժամկետում չի ապահովել թիվ 05100010/171018/0062085 ապրանքների հայտարարագրով «Ժամանակավոր ներմուծում (թույլտվություն)» մաքսային ընթացակարգով հայտարարագրված ապրանքների արտահանումը, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար «Ինթերնեյշնլ սփլայ գրուպ» ՍՊ տնօրեն Նիքոլա Էլ Թաուիլին ենթարկել վարչական պատասխանատվության՝ տուգանելով **4,499,443 ՀՀ դրամ**:

2. Որոշման մասին իրազեկել «Ինթերնեյշնլ սփլայ գրուպ» ՍՊ տնօրեն Նիքոլա Էլ Թաուիլին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է 900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Կ. ԲԱԲԱՅԱՆ